



四庫全書存目叢書編纂委員會編

齊魯書社

# 四庫全書存目叢書

子部  
第一二一冊



魯新登字 07 號

ISBN 7-5333-0478-0

責任編輯：孫言誠 賀 偉



EB61/03

四庫全書存目叢書·子部一二一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.125 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

# 子部第一二一冊目次

## 子部·雜家類

歷代君鑒五十卷

〔明〕代宗朱祁鈺撰  
湖南圖書館藏明景泰四年內府刻本

景仰撮書一卷

〔明〕王達撰  
南京圖書館藏明刻本

學範二卷

〔明〕趙撝謙撰  
浙江圖書館藏明嘉靖二十五年陳增重刻本

綱常懿範十卷

〔明〕周是修輯  
安徽省圖書館藏明崇禎三年周應鰲刻本

爲善陰騭十卷

〔明〕成祖朱棣撰  
山東省圖書館藏明刻本

朱文公政訓一卷真西山政訓一卷

〔宋〕朱熹 眞德秀撰  
中國科學院圖書館藏明萬曆繡水沈氏刻寶顏堂祕笈本

飲食紳言一卷男女紳言一卷

題 皆春居士撰  
山西省祁縣圖書館藏明萬曆繡水沈氏刻寶顏堂祕笈本

七三二

七〇〇

五九七

三六二

三一二

二九三

一

歷代君鑒五十卷

〔明〕代宗朱祁鈺撰

湖南圖書館藏明景泰四年內府刻本

附《四庫全書總目·君鑒五十

卷》提要

御製歷代君鑒序

朕惟理之寓於天地者至  
隱而難名道之由於聖賢  
者至顯而易見故天地者  
聖賢之準則而聖賢者帝  
王之模範始而希聖賢終  
而參天地所謂升高自下  
陟遐自邇古今之通道也  
堯舜人倫之至所以為法  
於帝王者固萬世無以加  
祖宗典章之備所以垂憲  
於子孫者亦萬世莫能外

是以博而求之於不一之  
善則凡帝王一言一行有  
可師者不可以約而或廢  
約而會之於至一之理則  
凡祖宗一政一令無可議  
者不可以博而或遺所謂  
不愆不忘率由舊章帝王  
之要道也朕自臨御經筵  
以來景仰堯舜以前下至  
三代聖神暨我  
祖宗謨訓拳拳服膺而弗忘  
矣然又以為主善為師雖

一善不可棄乃采漢唐以  
來諸君嘉言善行并編輯  
之揭曰善可為法其前後  
凡言行有可以警省者則  
附于末揭曰惡可為戒通  
五十卷名為歷代君鑒固  
將朝夕觀覽以資勸懲而  
亦以垂鑒於來世且頒示  
廷臣使因是而知勉輔之  
方昔周成王咨君陳曰爾  
有嘉謀嘉猷則入告爾后  
于內孟軻氏語景丑曰我

非堯舜之道不敢以陳於  
王前觀者其尚有感發於  
斯哉



景泰四年八月 日

歷代君鑒目錄

善可為法

卷之一

三皇

伏羲

神農

黃帝

卷之二

五帝

少昊

顓頊

高辛

堯

舜

卷之三

夏

禹

啓

少康

卷之四

商

湯

太甲

太戊

盤庚

武丁

|     |   |    |    |    |     |    |    |     |    |    |    |     |    |    |     |    |    |    |     |    |    |
|-----|---|----|----|----|-----|----|----|-----|----|----|----|-----|----|----|-----|----|----|----|-----|----|----|
| 卷之五 | 周 | 文王 | 成王 | 宣王 | 卷之六 | 西漢 | 高帝 | 卷之七 | 西漢 | 文帝 | 景帝 | 卷之八 | 西漢 | 武帝 | 卷之九 | 西漢 | 昭帝 | 宣帝 | 卷之十 | 東漢 | 光武 |
|-----|---|----|----|----|-----|----|----|-----|----|----|----|-----|----|----|-----|----|----|----|-----|----|----|

|      |    |    |    |      |    |     |      |    |    |    |    |    |      |    |     |      |    |      |     |      |   |    |
|------|----|----|----|------|----|-----|------|----|----|----|----|----|------|----|-----|------|----|------|-----|------|---|----|
| 卷之十一 | 東漢 | 明帝 | 章帝 | 卷之十二 | 蜀漢 | 昭烈帝 | 卷之十三 | 西晉 | 武帝 | 東晉 | 元帝 | 明帝 | 卷之十四 | 南朝 | 宋文帝 | 卷之十五 | 北朝 | 魏孝文帝 | 周武帝 | 卷之十六 | 唐 | 太宗 |
|------|----|----|----|------|----|-----|------|----|----|----|----|----|------|----|-----|------|----|------|-----|------|---|----|



|      |   |    |      |   |    |      |    |     |      |   |    |       |   |    |       |   |    |       |   |
|------|---|----|------|---|----|------|----|-----|------|---|----|-------|---|----|-------|---|----|-------|---|
| 卷之十七 | 唐 | 憲宗 | 卷之十八 | 唐 | 宣宗 | 卷之十九 | 五代 | 周世宗 | 卷之二十 | 宋 | 太祖 | 卷之二十一 | 宋 | 太宗 | 卷之二十二 | 宋 | 真宗 | 卷之二十三 | 宋 |
|------|---|----|------|---|----|------|----|-----|------|---|----|-------|---|----|-------|---|----|-------|---|

|       |    |   |    |       |   |    |       |   |    |       |   |    |       |   |    |    |       |    |        |      |
|-------|----|---|----|-------|---|----|-------|---|----|-------|---|----|-------|---|----|----|-------|----|--------|------|
| 卷之二十四 | 仁宗 | 宋 | 英宗 | 卷之二十五 | 宋 | 孝宗 | 卷之二十六 | 宋 | 理宗 | 卷之二十七 | 金 | 世宗 | 卷之二十八 | 元 | 世祖 | 仁宗 | 卷之二十九 | 國朝 | 太祖高皇帝上 | 卷之三十 |
|-------|----|---|----|-------|---|----|-------|---|----|-------|---|----|-------|---|----|----|-------|----|--------|------|

|    |        |       |    |        |       |    |        |       |    |       |       |    |        |       |    |        |
|----|--------|-------|----|--------|-------|----|--------|-------|----|-------|-------|----|--------|-------|----|--------|
| 國朝 | 太祖高皇帝下 | 卷之三十一 | 國朝 | 太宗文皇帝上 | 卷之三十二 | 國朝 | 太宗文皇帝下 | 卷之三十三 | 國朝 | 仁宗昭皇帝 | 卷之三十四 | 國朝 | 宣宗章皇帝上 | 卷之三十五 | 國朝 | 宣宗章皇帝下 |
|----|--------|-------|----|--------|-------|----|--------|-------|----|-------|-------|----|--------|-------|----|--------|

|      |       |   |    |   |   |    |   |    |    |       |   |     |    |       |    |    |    |    |    |    |    |      |
|------|-------|---|----|---|---|----|---|----|----|-------|---|-----|----|-------|----|----|----|----|----|----|----|------|
| 惡可為戒 | 卷之三十六 | 夏 | 太康 | 桀 | 商 | 武乙 | 周 | 厲王 | 幽王 | 卷之三十七 | 秦 | 始皇帝 | 二世 | 卷之三十八 | 西漢 | 元帝 | 成帝 | 東漢 | 安帝 | 桓帝 | 靈帝 | 卷之四十 |
|------|-------|---|----|---|---|----|---|----|----|-------|---|-----|----|-------|----|----|----|----|----|----|----|------|

|    |    |    |     |       |    |     |      |       |    |      |     |     |       |    |     |     |       |    |     |     |       |   |    |
|----|----|----|-----|-------|----|-----|------|-------|----|------|-----|-----|-------|----|-----|-----|-------|----|-----|-----|-------|---|----|
| 西晉 | 惠帝 | 東晉 | 孝武帝 | 卷之四十一 | 南朝 | 宋少帝 | 宋孝武帝 | 卷之四十二 | 南朝 | 齊鬱林王 | 齊明帝 | 陳後主 | 卷之四十三 | 北朝 | 齊文宣 | 齊武成 | 卷之四十四 | 北朝 | 齊後主 | 周宣帝 | 卷之四十五 | 隋 | 煬帝 |
|----|----|----|-----|-------|----|-----|------|-------|----|------|-----|-----|-------|----|-----|-----|-------|----|-----|-----|-------|---|----|

|       |   |    |       |   |    |       |    |     |       |   |    |      |   |    |   |    |   |    |
|-------|---|----|-------|---|----|-------|----|-----|-------|---|----|------|---|----|---|----|---|----|
| 卷之四十六 | 唐 | 高宗 | 卷之四十七 | 唐 | 中宗 | 卷之四十八 | 五代 | 唐莊宗 | 卷之四十九 | 宋 | 徽宗 | 卷之五十 | 遼 | 天祚 | 金 | 海陵 | 元 | 順帝 |
|-------|---|----|-------|---|----|-------|----|-----|-------|---|----|------|---|----|---|----|---|----|

歷代君鑒卷之一

太昊伏羲氏

太昊伏羲氏，燧人氏繼天而王，生而聖明，德合天地。其王天下也，有龍馬負圖出于河，於是仰則觀象於天，俯則觀法於地，觀鳥獸之文，與地之宜，近取諸身，遠取諸物，始畫八卦，以通神明之德，以類萬物之情。教民決嫌疑，定猶豫，使不迷於吉凶悔吝之塗，蓋非特為萬世文字之祖，實開物成務之學也。造

有卷一

化之秘泄於此，聖道之統始於此。○古先之人未知三綱五常之倫，器用之利，太昊始推擇天下之賢，可與代天工者，得金提鳥明視，黜紀通仲，起陽侯以為輔佐，作龍書以代結繩之政，制龍官以範徇徻之民。教民畋漁，以網罟為器，教民嫁娶，以儷皮為禮。於是夫婦別，君親尊，臣子順，而羣生和，斷桐為琴，絙桑為瑟，以教音樂。於是神明通，天人合，身脩性理而天真復，教天下養養六牲，以祭天神，以祀地祇，以享人鬼，以充庖厨，以養聖賢，故號曰庖犧。○始推五德之運，以木德王天下，光理萬物，明如日月，陰陽和，靜鬼神。

不擾四時，得節萬物，不傷羣生，不失雖有詭智，無所用之。此之謂至一。在位百有十年。

炎帝神農氏

炎帝神農氏，姜姓，神農知天地之道，明於人之性，以有天下。古者民茹草飲水，采樹木之實，食麋蠓之肉，多疾病，毒傷之害。神農以為人民衆多，禽獸難以久養，乃求可食之物，相土地燥溼，肥瘠高下，因天之時，分地之利，教民播種，五穀作，陶冶斧斤，為耒耜，鋤耨以墾草莽，然後五穀興，助以果蓏實而食之，以赭鞭鞭草木，嘗百草之味，察水泉之甘苦，使民知所用避。

有卷一

於是始有醫藥，初為蜡祭，詔戒諸侯曰：好田好女者，亡其國，四方年不順成，八蜡不通，以謹民財也。順成之方，其蜡乃通，以移民也。既蜡不興功，而休民息己，有獻羊頭山嘉禾八穗者，乃作穗書以頒時令。令曰：丈夫丁壯而不耕，天下有受其飢者；婦人豐盈而不織，天下有受其寒者。故神農親耕，后親織，以為天下先。○日中為市，致天下之民，聚天下之貨，交易而退，各得其所。時諸侯夙沙氏行不用道，叛不用命，其臣箕文諫而被殺，神農益脩厥德。夙沙之民自攻其君，而來歸其地，當是時，禮草昧而未制，樂堙塞而未作。

燔黍為殽。捭豚為俎。玄酒大羹。汙尊。杯飲。黃梓土鼓。截葦為箛。繩絲削桐為五絃之琴。詠豐年之歌。以通神明之德。合天人之和。法省而不煩。威厲而不殺。俗樸而不爭。不令而人化。南至交趾。北至幽都。東至暘谷。西至三危。莫不服從。在位百有四十年。

### 黃帝軒轅氏

黃帝少典之子。姓公孫。名軒轅。生而神靈。弱而能言。幼而徇齊。長而敦敏。成而聰明。神農氏世衰。諸侯相侵伐。暴虐百姓。軒轅乃習用干戈。以征不享。諸侯咸來賓從。蚩尤最為暴。軒轅征之。值天霧晦冥。軍行迷。

卷之三

三

乃作指南車。進擊蚩尤于涿鹿之野。擒而戮之。中冀徙其徒於有北。天下有不道者。從而征之。凡五十三征。奄有中區。東至于海。西至崆峒。南至于江。北逐葷粥。合符釜山。都于有熊。作布政之所。曰合宮。又曰明庭。有風后。天老。五聖。知命。窺紀。地典。力牧。七聖。為之輔。又有常先。大鴻。容光。三臣。為之佐。置三公之職。以象三台。置左右大監。監于萬國。命大撓氏。正甲子。義和氏。占日。常儀氏。占月。史區氏。占星。隸首氏。理算數。伶倫氏。採獲氏。正律呂。各盡其方。於是容成氏。綜六術。而著調歷焉。帝乃考定星歷。建五五行。起消息正。

閏餘。於是。有天地神祇物類之官。是謂五官。各司其序。不相亂也。民是以能有信。神是以能有明德。民神異業。敬而不瀆。故神降之嘉生。民以物享。災禍不生。所求不匱。旁行天下。方制萬里。畫墁分州。得百里之國。萬區以分。星次經土。設井以塞爭端。立步制畝。以防不足。八家為井。井開四道。而分八宅。使民存亡更守。出入相司。嫁娶相媒。有無相貸。疾病相救。上古牛未穿鼻。未絡。至是。服牛乘馬。引重致遠。而民力裕上。古山無蹊。澤無梁。至是。披山林。梁川澤。造舟車。而險阻通。上古處于穴。棲于木。至是。營宮室。制戶牖。而猛。

卷之三

四

暴禁。作杵臼而穀粟始繁。作釜而民始粥。作甑而民始飯。行有履。履死有棺。棊城。築邑。重門。擊柝。以待暴客。弦木為弧。剡木為矢。習熊虎貔貅之士。以威天下。制軒冕。垂旒。充纁。玄衣。黃裳。畫績五色。為文章。以別貴賤。○順天地之紀。幽明之占。死生之說。存亡之難。時播百穀。草木淳化。鳥獸蟲蛾。旁羅日月。星辰。水波土石金玉。勞動心力。耳目節用水火材物。有土德之瑞。故號黃帝。於時。萬民安樂。不使而成。不禁而止。百官無私。天下和風雨時。五穀登實。鼎彝鳳凰。巢于阿閣。麒麟。游于郊藪。猶作輿凡之箴。以警宴安。作金。

凡之銘以戒逸欲成大功致豐利不自高其道不自聖其躬德澤流天下至今人蒙其惠雖死猶生也在位百年

歷代君鑒卷之一

歷代君鑒卷之二

善可為法

五帝

少昊金天氏

少昊金天氏曰摯亦曰青陽以金德王號金天氏能脩太昊之法故曰少昊少昊初立鳳鳥適至因作鸞鳳之書以鳥紀官鳳鳥氏為曆正玄鳥氏司分伯趙氏司至青鳥氏司啓丹鳥氏司閉是為曆正之四屬立祝鳩氏司教化睢鳩氏司政法鴈鳩氏司土田英鳩氏司刑禁鵠鳩氏司事是為鳩民之五官立五雉

為五工正利器用正度量以夷民者也立九扈為九農正扈民無淫者也而其四叔重明木之性為勾芒該明金之性為蓐收脩及熙明水之性為玄冥世不失職遂濟窮瘁帝之御世也諸福之物畢至爰立建鼓制淳磬以通山川之風作大淵之樂以諧人神和上下是曰九淵在位八十四年享年百歲

顓頊高陽氏

顓頊高陽氏黃帝之孫而昌意之子也少昊之衰九黎亂德民神雜糅不可方物家為巫史民瀆齋盟禍灾荐臻顓頊受之乃命南正重司天以屬神北正黎

司地以屬民使無相侵瀆○帝靜淵而有謀疏通而  
知事養材以任地載時以象天依鬼神以制義治氣  
以教化繫誠以祭祀北至幽陵南至交趾西至流沙  
東至蟠木動靜之物大小之神日月所照莫不砥屬  
始以民事紀官觀蜩蟻之形而作科斗書以地純陰  
凝聚於中天浮陽轉旋於外周旋無端其體渾渾於  
是始為儀制以驗其盈虛升降乃作曆以孟春之月  
為元是歲正月朔旦立春五星會于天應營室冰凍  
始泮蟄蟲始發雞始三號天曰作時地曰作昌人曰  
作樂鳥獸萬物莫不應和故顯帝為曆宗也帝命飛  
龍氏會八風之音為圭水之曲以召氣而生物浮金  
效珎於是鑄為之鐘作五基六英之樂以調陰陽享  
上帝朝群侯名曰承雲在位七十八年享年九十八  
歲

### 帝嚳高辛氏

帝嚳高辛氏黃帝之曾孫也高辛生而神靈自言其  
名普施利物不於其身聰以知遠明以察微順天之  
義知民之急仁而威惠而信脩身而天下服取地之  
財而節用之撫教萬民而利誨之歷日月而迎送之  
明鬼神而敬事之其色郁郁其德巍巍其動也時其

服也士都於亳次序三辰以治曆明時教民稼穡執  
中而尹天下制鼙鼓鐘磬墳簞作六英之樂火正黎  
能昭顯天明敷大地德光昭四海帝使并掌重職賜  
之氏曰祝融市法壞視融脩之以便兆民帝嚳既執  
中而徧天下日月所照風雨所至莫不服從在位七  
十五年享年百歲

### 帝堯陶唐氏

帝堯陶唐氏帝嚳子姓伊祁以火德王都平陽其仁  
如天其智如神就之如日望之如雲富而不驕貴而  
不舒黃收純衣茅茨不剪土階三等○克明俊德以

親九族九族既睦平章百姓百姓昭明協和萬邦黎  
民於變時雍乃命羲和欽若昊天曆象日月星辰敬  
授人時分命羲仲宅嵎夷曰暘谷寅賓出日平秩東  
作日中星鳥以殷仲春厥民析鳥獸羣尾申命羲叔  
宅南交平秩南訛敬致日永星火以正仲夏厥民因  
鳥獸希革分命和仲宅西日昧谷寅饒納日平秩西  
成宵中星虛以殷仲秋厥民夷鳥獸毛毨申命和叔  
宅朔方日幽都平在朔易日短星昴以正仲冬厥民  
隩鳥獸氄毛帝曰咨汝羲暨和蒼三百有六旬有六  
日以閏月定四時成歲允釐百工庶績咸熙命后夔

作大章之樂。堯曰：樂者天地之精也，得失之節也。變能之和以平天下，一而足矣。○堯勤於君道，作布政之宮，曰衢室，立誹謗之木，使天下得盡其言。建進善之旌，使天下得盡其才。置諫鼓於朝，使天下得攻其過。天下之人無有異心。○堯存心於天下，加志於窮民。一民飢，白我飢之也。一民寒，白我寒之也。一民有罪，白我陷之也。由是百姓戴之如日月，親之如父母。有老人擊壤而歌曰：日出而作，日入而息。○耕田而食，汲井而飲。○堯何力於我哉！時景星見，甘露降，醴泉出，朱草生，鳳凰來。○堯以子丹朱不肖，求賢

堯年二十一

### 帝舜有虞氏

德可以遜位者，群臣咸舉舜。舜為人賢明，堯亦聞之。於是以二女妻舜，舜以德化率二女，皆執婦道。堯以舜為賢，遂使之攝位。堯曰：咨汝舜，天之曆數在汝躬，允執其中。二十有八載，帝乃殂落。百姓如喪考妣，四海遏密八音。在位七十年，享年百一十六歲。

堯年二十一

是耕於歷山，歷山之人皆讓畔。漁於雷澤，雷澤之人皆讓居。陶於河濱，器不苦窳。一年而所居成聚，二年成邑，三年成都。堯聞其賢，妻之二女，以觀其內事。之九男，以觀其外。二女不敢以其貴驕，而九男皆益篤。堯知其聖人也，乃命舜慎徽五典，五典克從。納于百揆，百揆時叙。賓于四門，四門穆穆。納于大麓，烈風雷雨弗迷。如是三載，堯乃命舜以位。正月上日，受終于文祖。在璿璣玉衡，以齊七政。肆類于上帝，禋于六宗，望于山川，徧于羣神。輯五瑞，既月乃日，覲四岳群牧，班瑞于羣后。歲二月，東巡守，至于岱宗，柴望秩于山川。肆覲東后，協時月正日，同律度量衡，脩五禮，五玉三帛，二生一死，贄如五器。卒乃復。五月，南巡守，至于南岳，如岱禮。八月，西巡守，至于西岳，如初。十有一月，朔巡守，至于北岳，如西禮。歸格于藝祖，用特。五載一巡守，羣后四朝。敷奏以言，明試以功，車服以庸。肇十有二州，封十有二山。濬川象以典刑，流宥五刑，鞭作官刑，扑作教刑，金作贖刑，眚圻肆赦，怙終賊刑。欽哉，欽哉，惟刑之恤哉！流共工于幽洲，放驩兜于崇山，竄三苗于三危，殛鯀于羽山，四罪而天下咸服。舜既即位，命禹為司空，棄為后稷，契為司徒，皋陶為士，垂為



共工益為虞伯夷為秩宗后夔為典樂龍作納言詢  
四岳咨十二牧三載考績三考黜陟幽明庶績咸熙  
分北三苗○帝庸作歌曰勅天之命惟時惟幾乃歌  
曰股肱喜哉元首起哉百工熙哉皋陶拜手稽首颺  
言曰念哉率作興事慎乃憲欽哉屢省乃成欽哉乃  
賡載歌曰元首明哉股肱良哉庶事康哉又歌曰元  
首叢脞哉股肱惰哉萬事墮哉帝拜曰俞往欽哉○  
作布政之官曰總章畏天而愛民恤遠而親近好問  
而好察通言隱惡而揚善執其兩端用其中於民于  
時日月光華卿雲叢聚彈五絃之琴詠南風之詩曰

南風之薰兮可以解吾民之愠兮南風之時兮可以  
阜吾民之財兮舜生三十徵庸三十在位五十載陟  
方乃死享年百有十歲

歷代君鑒卷之二

歷代君鑒卷之三

善可為法

夏

禹

夏禹帝顓頊之後禹之父鯀顓頊五世孫也以崇伯  
事堯堯時洪水滔天鯀治水無功殛死舜既攝位舉  
禹使續父業禹為人克勤敏給其德不違其仁可親  
其言可信聲為律身為度左準繩右規矩傷其父鯀  
功用不成而受殛乃勞身焦思居外十三年過家門  
不入娶于塗山辛壬癸甲啓呱呱而泣亦弗皇子也

陸行乘車水行乘舟泥行乘橈山行乘櫟隨山刊木  
暨益奏庶鮮食夾九川距四海濬畎澮距川暨稷播  
奏庶艱食鮮食懋遷有無化居烝民乃粒萬邦作乂  
蓋治水自冀始自冀而東治兗青徐自徐而南治揚  
荆自荆而西治豫梁雍皆相其土田草木之宜以作  
貢賦謂之禹貢○禹既即位以五音聽治懸鐘鼓磬  
鐸鞀以待四方之士為銘於簋虞曰教寡人以道者  
擊鼓論以義者擊鐘告以事者振鐸語以憂者擊磬  
有獄訟者振鞀一饋十起一沐三握髮以勞天下之  
民出見罪人下車問而泣之左右曰罪人不順道君